

Ilokano - Kari Sursurat - Promises Scriptures

Genesis 20:6 Insungbat kenkuana ti Dios iti tagtagainep, “Wen, ammok a nadalus ti konsensiam, isu a diak impalubos a sagidem ti babai tapno saanka a makabasol.

Exodo 35:21,26 ket nangyeg iti sagut dagiti amin a mayat a tumulong iti pannakabangon ti Tolda ti Dios. Inyegda ti amin a kasapulan iti panagdaydayaw ken dagiti maaramid a kawes dagiti papadi. 26 Adda met dagiti nagtibbi iti dutdot ti kalding.

Numbers 10:35 Tunggal mairubbuat ti Lakasa ti Tulag, kuna ni Moises, “Tumakderka, O Apo; warawaraem dagiti kabusormo ket parmekem dagiti gumurgura kenka!”

Deuteronomio 2:25 Manipud ita nga aldaw, pagbutngek dagiti tattao iti amin a lugar kadakayo. Agtiggergerto ti tunggal maysa iti butengna a makangngeg iti naganyo.’

Deuteronomio 9:3 Ngem ita, makitayon a mismo nga umun-una ngem dakayo ti Apo a Diosyo. Mayarig iti gumilgil-ayab nga apuy. Paksiatennanto dagiti higante bayat ti isusungadyo, tapno maparmekyo ida ket nalakayo ida a dadaelen, a kas inkarina.

Josue 2:9 ket kinunana kadakuada: “Ammok nga inted ti Apo daytoy a daga kadakayo; ket mabuteng amin a tattao iti pagilian kadakayo.

1 Samuel 17:48,50 Intuloy ni Goliat ti immasideg. Nagtaray met ni David a simmabat kenkuana. 50 Nagballigi ni David. Uray awan ti kampilanna, pinarmekna ni Goliat babaen iti pallatibong ken maysa a bato.

Ester 8:17 Iti tunggal probinsia ken siudad a nakaiwaragawagan ti bilin ti ari, nagrampak dagiti Judio. Ket iti entero a pagarian, adu ti nangipakaammo a Juidoda gapu ta kabutengdan dagiti Judio.

Job 29:14 Inkagumaak ti nalinteg a panagbiag; agpapada amin a tao, awan indumdumak.

Proverbio 13:11,22 No nalaka ti pananggun-odmo iti kinabaknangmo, mabiit met a mapukaw. No nagrigatam ti sanikuam, manayonanto. 22 Addanto kinabaknang ti naimbag a tao nga ipatawidna kadagiti appokona, ngem mapan kadagiti nalinteg ti kinabaknang dagiti managbasol.

Proverbio 22:22,23 Dimo gundawayan dagiti napanglaw gapu laeng ta kabaelam nga aramiden; dimo gundawayan dagiti awan gawayna a naidarum iti pangukoman. 23 Ikalinteganto ti Apo ida, ket pukawennanto ti biag dagiti dakes ti panggepna kadakuada.

Isaias 35:8 Sadiay, addanto dakkal a kalsada, maawaganto iti “Nasantoan a Dalan.” Saanto a magna sadiay dagiti managbasol; awanto ti maag a mangyaw-awan kadagiti agdaliasat sadiay.

Isaias 43:2 No aglasatka kadagiti adalem a karayan, addaakto kenka; dinakanto parmeken dagiti pakariribukam. No magnaka iti apuy, dikanto mauram; dikanto maan-ano kadagiti nakaro a pakasuotam.

Isaias 49:25 Kastoy ti sungbat ti Apo, “Kastanto ti mapasamak. Maitalawto dagiti

balud ti mannakigubat, maagawto ti sinamsan ti nauyong nga agturay.

Gubatekto dagiti manggubat kenka, ket ispalekto dagiti annakmo.

Isaias 54:17 Ngem awanto ti armas a makasugat kenka, ket no adda pakaidarumam, addanto latta sungbatmo a nakasagana. Salaknibakto dagiti adipenko, ket pagballigiekto ida.” Daytoy ti sao ti Apo.

Isaias 59:17,19 Ikawesnanto ti hustisia a kas kabal ken ti panagballigi a kas helmet. Kawesannanto ti bagina iti nasged a tarigagay tapno mapalinteg ti amin a bambanag. Dusaennanto dagiti managdakdakes kas panangibalesna iti panagsagsagaba dagiti tattao. 19 Manipud daya agingga iti laud, kabutengto ti amin a tao ti nagan ken pannakabalinna. Dumtengto ti Apo a kas iti napegges a karayan, kas iti napigsa nga angin.

Isaias 61:10 Agrag-o ti Jerusalem gapu iti inaramid ni Yahweh. Mayarig iti babai a nakawesan iti aldaw a panagkasarna. Kinawesan ti Dios iti pannakaisalakan ken balligi!

Ezekiel 22:30 Nangbirokak iti makabael a mangbangon iti bakud ken mangtarimaan kadagiti narba a paset ti bakud ken mangikaluya iti daga inton dandani agdissuor ti pungtotko. Ngem awan ti nasarakak.

Ezekiel 45:8 Daytoyto a disso ti bingay ti prinsipe nga agturay iti daga ti Israel tapno dinanton idadanes dagiti tattao ket ipalubosna ti dadduma a paset ti pagilian a tagikuaen dagiti tribu ti Israel.

Daniel 4:16 Masuktanto ti panunotna ket agpanunotto a kas animal agingga a lumabas ti pito a tawen.

Daniel 7:4 Kasla leon ti umuna ngem adda payakna a kasla agila. Nakitak a naparut dagiti payakna. Naipangato iti rabaw ti daga, ket nagtakder a kasla tao. Naikkan iti panunot ti tao.

Zacarias 4:6 Imbaga ti anghel nga ipakaammok ken ni Zerubbabel daytoy a mensahe ti Apo: “Agballigika, saan nga iti bileg ti armada wenno iti bukodmo a pigsa no di ket babaen iti pannakabalin nga aggapu kaniak.

Mateo 24:22 Ngem kinissayan ti Dios ti bilang dagita nga al-aldaw, ta no saan, awan ti makalasad. Ngem gapu kadagiti pinilina a tattao, kissayanna ti bilang dagita nga al-aldaw.

Mateo 26:41 Agridam ken agkararagkayo tapno saankay a matnag iti sulisog. Sisasagana ti espiritu, ngem nakapuy ti lasag.”

Marcos 10:48-52 Adu kadagiti tattao ti nagunget kenkuana ket imbagada nga agulimek, ngem inyad-addana ketdi ti nangipukkaw, “Anak ni David, kaas-iannak kadi!” 49 Nagsardeng ni Jesus. “Ayabanyo man ditoy,” kinunana. Inayabanda ngarud ti bulsek. “Agragsakka!” kinunada kenkuana. “Tumakderka, ta paayabannaka.” 50 Inwarsi ni Bartimeo ti kagayna, timmakder a dagus ket immasideg ken ni Jesus. 51 “Ania ti kayatmo nga aramidek kenka?” sinaludsod ni Jesus. “Maestro, makakitaak koma!” insungbat ti bulsek. 52 “Inkan,” kinuna ni Jesus. “Pinaimbagnaka ti pammatim.” Nakakita a dagus ti bulsek ket simmurot ken ni Jesus. (Mateo 20:30-34)

Marcos 16:20 Napan nangaskasaba dagiti adalan iti amin a disso. Timmultulong ti

Apo kadakuada ket pinasingkedanna ti kinapudno ti panangaskasabada babaen kadagiti milagro a naaramid.

Lucas 14:23 “Iti kasta, kinuna manen ti apo iti adipen, ‘Inka kadagiti daldalan ken bitbit-ang, ket pilitem dagiti tattao nga umay tapno mapno ti balayko.

Lucas 21:15 Ta siakto met laeng ti mangted kadakayo kadagiti sao ken sirib a dinto masuppiat wenno masungbatan dagiti kabusoryo.

Lucas 21:36 Agsalukagkayo ket agkararagkayo a kankanayon tapno addanto naan-anay a kiredyo nga agibtur kadagiti amin a mapasamak, ken agtakder iti sangoanan ti Anak ti Tao.”

Juan 17:15 Diak dawaten nga ipanawmo ida ditoy lubong, no di ket salaknibam ida iti Managdakdakes.

Dagiti Aramid 11:23 Idi sumangpet ni Bernabe, naragsakan a nakakita iti parabur ti Dios kadagitoy a mamati. Binalakadanna ida nga agtalinaed a sipupudno iti Apo iti amin a pusoda.

Dagiti Aramid 13:48 Idi mangngeg daytoy dagiti Hentil, nagrag-oda ket dinaydayawda ti mensahe ti Apo. Ket nagbalin a mamati dagiti naituding iti biag nga agnanayon.

1 Taga-Corinto 10:13 Tunggal sulisog nga umay kadakayo, gagangay a dumteng iti tao. Ngem tungpalen ti Dios ti karina; dina ipalubos a masulisogkayo iti nalabes a diyo kabaelan a sarangten. No masulisogkayo, ikkannakayo iti pigsa a mangibtur, ket iti kasta, makalisikayo.

1 Taga-Corinto 16:9 Nupay adu ti kabusor, adda napudpudno a gundaway nga agpaay iti naindaklan ken nabunga a trabaho.

2 Taga-Corinto 12:9 Ngem insungbatna kaniak: “Umanayen kenka ti paraburko; ta napigpigsa ti pannakabalinko no nakapsutka.” Ngarud, maragsakanak unay a mangitangsit iti aniaman a kinakapsutko tapno mariknak ti pannalaknib ti pannakabalin ni Cristo.

Taga-Efeso 6:11 Ikawesyo ti amin a kabal nga ited ti Dios tapno mabalinyo a sarangten dagiti pangallilaw ti Diablo.

Hebreo 1:7,14 Daytoy ti kuna ti Dios no maipapan kadagiti angheles: “Pagbalinen ti Dios nga angin dagiti anghelesna. Pagbalinenna met a sumsumged nga apuy dagiti adipenna.” 14 Siasino ngarud dagiti angheles? Espirituda nga agserserbi iti Dios ket imbaonna ida a tumulong kadagiti umawat iti pannakaisalakan.

Santiago 4:7 Agtulnogkayo ngarud iti Dios. Sarangtenyo ti Diablo, ket itarayannakayto ti Diablo.

1 Pedro 5:10 Ngem kalpasan ti mabiit a panagsagabayto, pagbalinennakayto a naan-anay ti Dios. Wen, ti Dios ti amin a parabur a nangayab kadakayo a makiranud iti agnanayon a dayagna babaen iti pannakikaysayo ken Cristo. Patibkerennakay iti pammati, papigsaenna ti pakinakemyo ken ipasdeknakay iti nalagda a fondasion.

Pastor T. John Franklin

Church of Salvation, Healing, and Deliverance - COS-HAD.org